

Oké Take Away
 Nos Special
 Cuminda
 Crioyo
565-3232

SOLO
 Prijs 1.25
 BRIYANDÓ FUERTE • TRECIENDO CLARIDAD
 Dialuna 9 October 2023
Di Pueblo

9 di October, Dia di
 Bombero
**DANKI NA NOS
 CUERPO DI
 BOMBERO PA E
 TRABOU CU NAN TA
 EHERCIENDO PA E
 SIGURIDAD DI NOS
 TUR**

19 ARUBIANO PEGA NA ISRAEL: VUELO A CANCELA



AUTO A YEGA POMPSTATION NA SASAKI 2 HOMBER A BAHA UN A LOS UN TIRO RIBA UN AUTO STACIONA Y A BAY

Diadomingo madruga a drenta informe di un caso di losmento di tiro na e pompstation na Sasaki, mesora a dirigi un patruya na e sitio. Na yegada di e patruya a bin compronde for di un testigo cu un auto Kia Cerato a yega

2 persona color scur a baha y a los un tiro riba un auto staciona y despues a bandona e sitio direccion pariba. Polis a keda di busca e grabacion di e camaranan di seguridad na e sitio.




MANERA SARDINCHI DEN BLIK 8 ECUATORIANO GEPROP DEN AUTO SOSPECHOSO



DAMA A YEGA BOTICA SIN PAÑA DI ABAO Y SANGRANDO



DAMA Ariba QUADRACER A ACCIDENTA



19 Arubiano pega na Israel: vuelo a cancela

(Foto di grupo Arubiano). Solo di Pueblo a wordo aserca pa familiarnan na Aruba pa informa cu tin un grupo di 19 Arubiano pega na Isreal.

E informe ta sigui bisa cu nan tabata cla pa sali di Isreal ora cu nan vuelo di Turkish Airlines a cancela. Ta casualidad cu nan vuelo di regreso tabata pa diadomingo.

Nan a bula di Amsterdam pa Turkia y Turkia pa Isreal. Manera ta conoci, Isreal ta

den guera cu Hamas y no por descarta escalacion di e situacion.

Merca a manda alerta pa su ciudadanonan pa ta cauteloso y si nan desea pa bandona Isreal, por hasi esey di acuerdo cu vuelonan disponibel.

Diasabra, Hamas a lansa algun mil (2500) raket riba Isreal. Nan a infiltra seguridad di Isreal y a mata varios na e frontera cu Gaza.

Mientrastanto ta activando embahda Hulandes na Isreal pa asisiti e 19




Arubianonan y agilisa nan regreso pa Hulanda.

Te cu awor e grupo ta mantene tranquilidad, pero ta basta precupa. Solo di Pueblo ta hasi un yamada na Departamento

di Relacion Exterior pa nan intermedia pa e grupo aki na embahada Hulandes.

Dama ariba quad racer a accidenta ariba caminda cera na Palm Beach



Palm Beach - Diasabra marduga den careda di 2'or polis y ambulance a bay ariba e caminda cera dilanti Citgo Palm Beach, unda un quad racer a accidenta.

Na yegada di polis ya ambulance a yega prome cu nan.

Locual a sosode tawata cu un dama ariba e un Raptor pa un of otro motibo biniendo for di pabou a sigui bay strit dal y accidenta.

E la resulta herida na pia y despues di algun rato Paramediconan a opta pa transport'e pa Hospitaal.

Weekend pasa; ariba diadomingo marduga un otro motociclista a accidenta ariba e mesun pida cera aki, y bay cay den un buraco memey di caminda.



**GENERAL
CONTRACTOR N.V.**

JOB OPPORTUNITY

Positions

- Argon Welder
- Pipe Fabricator
- Industrial Abrasive Blaster
- Matcote Applicator
- QC Inspector NACE Level 3

Sector: Industrial / Commercial

Requirements:

- Must have legal residency in Aruba.
- Varies per position; Minimum 2-3 year's experience in industrial sector / position.
- Valid certifications from recognized organizations (varies per positions) such as Senna, Techniwesca, Carboline, Sherwin Williams, Akzo Nobel / International Paints, NACE, AMPP etc.
- Good physical condition / capable of working at high altitude & confined spaces.
- Capable of working long hours and weekends.
- Capable of working in an industrial setting.

For application contact DPL:

Email: dpl.jobcenter@aruba.gov.aw

Phone: +297-5215555

For application contact UTLT:

Email: info@utlt.net

Phone: +297-7306080

Minister Rocco Tjon: A ATENDE E DI CINCO EDICION DI 'GLOBAL MENTAL HEALTH SUMMIT' NA ARGENTINA



Buenos Aires - Recientemente, Minister di Husticia y Asuntonan Social sr. Rocco Tjon, tawata presente na e di cinco edicion di e "Global Mental Health Summit", na Buenos Aires, Argentina. Durante e simposio aki, minister Tjon a hiba palabra den e closing panel, den nomber di reino completo. A papia tocante kico Aruba y reino completo ta haciendo, pa atende debidamente cu e tema di salud mental.

E balor agrega di e simposio aki ta cu nos por siña y comparti informacion cu otro paisnan, pa loke ta trata salud mental, pero tambe ta brinda e oportunidad unico pa comproba y verifica si nos maneho ta cuadra cu e situacion actual na mundo, of si esakinan mester wordo adapta. E simposio aki a brinda e espacio pa reflexiona riba local e otro paisnan a trece padilanti, y scuchando esaki, tawata un momento di realisacion caminda por a tuma nota cu nos cada un ta enfrenta e mesun

reto y oportunidadnan pa loke ta salud mental. Asina por deduci cu, e retonan cu nos cada un ta enfrenta, por wordo mitiga door di traha mas di cerca cu otro, creando asociacionnan como tambe ehecutando un enfoque multisectorial.

Segun e mandatario, como ex-miembro di Cuerpo Policial di Aruba, y ex-director di KIA, el a experiencia e consencuencianan di e negligencia pa cu salud mental, ora cu e cuido aki no ta wordo brinda na tempo. Algun experto a menciona, cu adiccion di substancianan, gambling y abuso domestico hopi biaha ta e causa principal di enfermedad mental. Pues programanan social di sosten, manera "Veilige Barrio's" cu ta enfoca riba programanan di deporte, arte, y salud mental pa nos hubentud ta sumamente importante. Interesante tawata pa scucha expertonan papia tocante e importancia di tin programanan social di sosten, pa mitiga problemanan di salud mental, y promove bienestar.

Na aña 2018, Aruba a inverti 20 milyon dollar, pa fortifica e cadena social y di salud mental. Despues di e pandemia, a enfoca riba inversionnan sostenibel, como tal a traha un 'roadmap' pa atende cu e tematica di problemanan di salud mental y adiccion.



E roadmap ta enfoca riba fortalece Aruba su sistema di cuido pa cu salud mental, y tambe ta provee un agenda comun pa loke ta inversionnan. Importante pa menciona ta cu e 'roadmap' tin seis punto di prioridad, cual por wordo uza como e base pa involucra sectornan priva y publico, organisacionnan di sociedad civil, y demas sectornan. Pa motibo di esaki, a tuma e decision deliberadamente pa pone e cuido di salud mental bou di Ministerio di Husticia y Asuntonan Social pa asina crea un enfoque multisectorial.

E 'roadmap' aki a wordo crea, danki na nos diferente partners; departamento di salud publico, Pan American Health Organization, World Health Organization conhuntamente cu e comision nacional pa cu salud mental. Aruba ta conta cu partnernan na un nivel nacional pero

tambe na nivel di reino Hulandes. A traves di Reino Hulandes, Aruba ta conta cu plataformanan di consulta, caminda ministernan como tambe nan representantenan ta reuni y atende cu e tematica di salud mental. E obhetivo ta pa tin un agenda comun, caminda e enfoque por ta uno similar na otro y asina atende cu e retonan pero tambe e oportunidadnan pa cu salud mental.

E seis areanan di prioridad di e roadmap aki ta enfoca riba entre otro, e parti di financiamiento, tecnologia medico, opleiding, informacion y mas. Durante e simposio, expertonan a enfoca riba e importancia di tin suficiente personal cu ta cualifica den loke ta salud mental, pero tambe pa keda inverti den nan desaroyo personal. E inversionnan aki ta esencial, y alabes ta eleva e calidad di cuido cu ta wordo brinda na nos comunidad.

Pa e motibo aki, Gobierno di Aruba, kier para keto y duna un danki enorme na tur nos profesionalnan cu ta traha den e cadena social, particularmente salud mental y adiccion, nos sa cu e trabou cu boso ta haci, hopi biaha no ta wordo balora den comunidad, cual por ta algo demotivante, pero asina mes boso ta sigui duna di boso banda y esaki sigur ta algo di admira.

Por ultimo, Aruba ta para solido cu e pensamiento cu salud mental mester bira algo cu ta normal pa papia di dje na cas y den comunidad.

Reino Hulandes ta comprometi pa ta parti di e movimiento global caminda salud mental ta keda riba e agenda, y caminda hunto nos por kibra e stigma aki. No solamente intencion, pero accion concreto lo beneficia nos comunidad.

Lesa mas: loke nos sa awor di e atake di Hamas riba Israel

(Diasabra 2or atardi) Tin un guerra entre Israel y Hamas atrobe. E atake di Hamas riba Israel a sosode inesperadamente diasabra mainta y e sucesonan ta sigui rapidamente. E eventonan mas importante te awor y e reaccionnan na nan ta resumi aki.

****Escalacion:**

E organisacion militante palestino Hamas a tira por lo menos 2.000 raket contra obhetivonan den Israel den oranan di madrugada for di e Strip di Gaza.

Miembronan di Hamas a drenta Israel for di e Strip di Gaza. Den e parti sur di e pais, nan a saquea tankinan israeli, entre otro. Tambe nan a drenta un base militar. Israel ta totalmente sorprendi.

Esaki ta potretnan di e mainta aki:

Prome imagennan di e atake di raket contra Israel Israel ta ser ataka na diferente luga. Entre otro, despues ta sali imagennan di e ciudad di sderot den cual por mira hopi curpa riba caya.

Un canridad no conoci di israeli ta ser tuma como rehén y hiba na E Strip di Gaza.

Otro video cu ta circula riba rednan social ta muestra teroristanan di Hamas cu ta muestra soldadonan israeli morto.

Esaki ta imagennan verifica di israelinan cu militantenan palestino a secuestra:



Den atardi tin reportahe di combattimento entre e militar israeli y Hamas. Entre otro na sderot y luganan mas chikito cerca di e frontera cu Gaza, ta reporta tiroteo.

Israel ya ta haciendo atake aereo contra Obhetivonan Di Hamas den E Strip Di Gaza, hogar di e organisacion militante, durante dia. Tambe tin morto.

Riba e banda israeli, a confirma 100 morto te na e momento aki. Mas ku 900 persona a keda herida. No ta konosí e cantidad di rehén sivil i militar.

Ta informá di por lo ménos 198 morto na banda palestino.

E bataya ta concentra rond Di E frontera Cu E Strip Di Gaza, Den Sur Di Israel:

E reaccionnan di mundo:

Prome minister israeli Netanyahu ta papia cu su ciudadanonan mainta. "Nos ta den guerra", ela bisa. E ta papia di un atake sorpresa asesino y Ta bisa cu Hamas lo paga "un preis sin presedente".

E lider di Hamas, Ismail

Haniya, a califica e atake como un bataya di Honor, resistencia y dignidad contra e "enemigo cu ta ocupa Gaza".

Despues un vocero di Hamas a bisa cu e operacion tambe ta un mensahe pa e paisnan arabe cu a normaliza e relacionnan cu Israel. Hamas ta un spina den e banda di e desaroyo aki. "Ta un estado hostil y nos mester stop nan."

Netanyahu: "Nos Ta den guerra"

Lider Di Hamas: "awe nos ta pone un fin na e ocupacion"

Presidente Biden (USA) a priminti Israel sosten di Merca. Tambe e ta adverti otro enemigonan di Israel pa no intensifica e situacion mas.

Prome minister Rutte di Hulanda tambe ta papia di un atake sin precedente. "Israel tin tur derecho di defende su mes di esaki." Ultimo desaroyo: Isreal a duna ordo na su compania estatal di coriente pa corta suministro di coriente pa Gaza.

Lamper a dal, fusebox a pega candela y coriente a bay na diferente area



Diasabra mainta a drenta informe di cu lamper a dal y un fusebox di un cas na Paradera a pega na candela, mesora a dirigi bomberonan na e sitio. Na yegada di e bomberonan nan a baha e "breaker" y a paga e candela. Na e mesun momentonan ey a drenta varios yamada cu coriente a bay na algun cas na diferetente parti. Bomberonan a solicita presencia di Elmar na e sitio.



**Results of the Treasury Bills issuance
by the Government of Aruba in the amount of
Afl. 32,250,000.00 for the period
October 6, 2023 – January 5, 2024**

Issuance pursuant to the State Ordinance on Treasury Paper (AB 1987 no. 3), State Decree Treasury Paper (AB 1988 no. 6), and the State Decree no. 6 of September 11, 2023.

The Centrale Bank van Aruba hereby informs that the Treasury Bills issue of October 6, 2023 in the amount of Afl. 32,250,000.00 with a maturity of three (3) months has been fully subscribed. The average discount yield of this issue is 3.37 percent.

Aruba, October 9, 2023
Centrale Bank van Aruba



**HACI
BO COS!**

MINISTER ENDY CROES TA ACUDI NA CONVENCION DI CARTAGENA PA E PROTECCION Y DESAROYO DI MEDIO AMBIENTE MARINO DEN REGION DI CARIBE



Diabierna ultimo, Minister di Enseñansa y Deporte Endy Croes a acudi na e di 17 Conference of Parties (COP) di e Convencion di Cartagena pa e Proteccion y Desaroyo di Medio Ambiente Marino den Region di Caribe na Hilton Caribbean Resort & Casino.

Tambe presente na e “high

level meeting” sesion ministerial aki tabata Minister di Naturalesa di Hulanda Sr. Christianne van der Wal y Prome Minister di Curaçao Gilmar (Pik) Pisas y tambe diferente ehecutivo di United Nations pa debati tocante biodiversidad.

E meta principal di Convencion di Cartagena

ta pa preveni, reduci y controla contaminacion e medio ambiente maritimo den region di Caribe. Ademá di esaki, promove

e desaroyo sostenibel cu maneho di e recursonan natural. Minister Endy Croes ta felicita colega Minister Ursell Arends cu

a lidera e proyecto aki y ta gradici tur participante internacional cu a bin Aruba pa acudi na e evento aki.



TUMA ACCION PA PREVENI, PROTEHA Y STOP DENGUE

Yobida por ta inicio di un menasa pa salud publico

07.10.2023. Den e dianan cu a pasa y den e lunanan cu ta sigui, Aruba lo por sigui experiencia basta yobida. Algun ta mira esaki como un bendicion, pero e por ta tambe inicio di un menasa pa salud publico, si como poblacion nos no ta conciente y traha hunto pa minimalisa e riesgo di malesanan transmiti pa sangura.

Manera ta conoci, sangura mester di awa pa por buta su wabonan. Mas awa keda para rond di cas despues di yobida, mas oportunidad e sangura tin pa broei dentro di 8-10 dia. Pa nos por minimalisa e riesgo cu Aruba por bay experiencia un brote di Dengue manera varios otro pais den Latino America, ta importante pa nos tur hunto ataca e problematica for di su raiz.

Esaki ta ensera reduci of stop e sangura di sigui broei na cantidad grandi. Esaki nos por haci door di:

- Tira afo of warda tur obheto cu por retene awa innesesariamente paden y rond di cas, scol, trabou y alrededor dibo. Por ehempel scoter bou mata, tire, coy hunga pafo, vas cu mata of flor y mas

- Tapa tur awa para cu tin proposito manera e.o pa muha mata of duna bestia tur dia. Por ehempel hemchi bou erco of bari cu awa di yobida y mas

- Ta extra alerta riba awa para cu proposito di bida pa mata of mascota por ehempel vas cu mata of flor, baki awa di bestia,

vijver cu mata di lili y mas

Di dos (2) paso ta proteha bo mes pa bo no haña Dengue, esaki bo por haci door di:

- Bisti paña cu manga y pia largo durante oranan di atardi pa anochi
- Uza repelente contra sangura riba cuero cu no ta cubri cu paña

- Den espacio pafo di cas cende un mecha of uza bela contra sangura

- Sera porta y bentana di cas prome cu bira scur of uza screen

- Evita di bishita areanan unda bo ta conciente cu tin hopi sangura

- Spuit paden di cas, camber, oficina y areanan cu bo ta frecuenta regularmente cu producto pa mata sangura.

Di tres (3) paso ta proteha otronan rond dibo ora cu bo tin Dengue of tin sintomanan di Dengue. Esaki bo ta haci door di evita di wordo pica pa sangura. E sintomanan di Dengue ta entre otro:

- Keintura
- Dolor di cabes
- Biramento di stoma y sacamento
- Dolor di weso, joins y musculo

- Dolor di wowo
- Rash riba curpa

Si bo ta presenta e sintomanan aki, consulta bo dokter di cas.

Pa mas informacion like nos Facebook page Directie Volksgezondheid DVG Aruba, Follow nos



riba Instagram directie_volksgezondheid_aruba, subi nos website www.dvg.aw, yama nos na 5224200 of mail nos na servicio@dvg.aw



KOOYMAN

NO 09 - VALID FROM SEPTEMBER 21st UNTIL OCTOBER 8th, 2023

20% DISCOUNT on all selected wallpapers

GREAT DEALS TO UPGRADE YOUR HOUSE

ONZE NIEUWE BROCHURE IS UIT!

BESCHIKBAAR ONLINE & IN STORE

THERE IS ALWAYS SOMETHING TO DO

kooymaanbv.com

Dama chauffeur ta accidenta saliendo for di rotonde Pos Chikito y a resulta herida



Diadomingo mainta a drenta informe di un accidente pabao di rotonde Pos Chikito cu hende herida, mesora a dirigi tanto polis como ambulans na e sitio. Na yegada dibe patruya a bin compronde cu aki ta trata di un accidente unda e dama chauffeur bayendo pabao a perde control saliendo for di e rotonde y a perde control y a bay dal e vangrails memey di e camindanan.

E impacto tabata fuerte te pa e dama keha di dolor na su boca, cabes y nek.

Na yegada di e ambulans nan a atende e dama y a transporte pa hospital.

Madrugá un homber a comete varios destruccion na South Beach



Diasabra atardi ora cu empleadonan a presenta na South Beach a nota cu e lugar a keda destrui, ora a bay controla e grabacion di e camaranan di seguridad a descubri cu den oranan di 5'or di madrugá un homber a presenta y causa tur e destruccion.

Polis a ser yama y a bin tuma e keho y a conseha e doño pa entrega e grabacion na recherche.

MANERA SARDINCHI DEN BLIK 8 ECUATORIANO GEPROP DEN AUTO SOSPECHOSO A SER PARA PA POLIS DEN WESTSTRAAT



Diasabra anochi un patruya atento a nota un auto sospechoso y busca posiblemente pa un hit & run a ser señala den Weststraat y a pidi refuerso di mas patruya, mesora a dirigi e refuerso na e sitio. Ora a controla

e auto a bin haya 8 ecuatoriano y a detene nan tur y a hibanan warda di polis y for di eynan a hibanan na warda nos costa unda eynan a bay revisa nan permiso di permanencia na Aruba.

Nissan Cube a slip riba caminda muha perde control y bolter



Diasabra madrugá a drenta informe di un accidente na Sabanilla Abao, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda cu un Nissan Cube a slip riba e caminda perde control y bolter. Afortunadamente ningun hende a resulta herida.

Minister Wever a presenta Raad van Bestuur AFTA

Minister Geoffrey Wever, durante un rueda di prensa, a presenta na pueblo di Aruba dos miembro Raad van Bestuur di Aruba Fair Trade Authority (AFTA). Pa por jega na candidatonan capacita pa e funcion di miembro di Raad van Bestuur di AFTA a sigui un proceso transparente na cual por medio di un decreto ministerial a stipula e perfil pa e funcion (functieprofiel) di miembro di Raad van Bestuur AFTA. A instala tambe un comision di solicitacion por medio di un decreto ministerial pa haci e parti di e solicitacion (werving en selectie) y e voordracht di e candidatonan na Minister Wever y na Consejo di Minister.

E comision di solicitacion tabata consisti di diferente profesional:

un profesional Hulandes implementatiemanager di AFTA, Presidente di Corte Commun di Husticia pa Aruba, Curaçao, Sint Maarten en van Bonaire, Sint Eustatius en Saba Sr. Maurits de Kort y un represenante di adviesbureau internacional Deloitte Dutch Caribbean. E proceso di solicitacion pa miembro di Raad van Bestuur AFTA tabata uno transparente y formalisa. Despues di e proceso di solicitacion e comision a postula dos candidato pa bira miembro di Raad van Bestuur di AFTA. Riba conseho di e comision di solicitacion, Minister Wever a aproba esaki.

Diabierna 6 oktober 2023, Minister Geoffrey Wever a presenta e dos miembronan di Raad van Bestuur AFTA. Ta trata di Sr. F.R. Sint Jago cu a



wordo nombra presidente di Raad van Bestuur di AFTA y Sr. T.M. Snoep cu a wordo nombra 'gewoon lid' di AFTA.

Pa varios luna Minister Wever y e team di implementacion ta bezig cu e trabounan preparatorio pa AFTA por cuminsa opera. E proyecto aki ta wordo financia cu fondo Hulandes y cu fondo di Aruba. E ultimo lunanan e team di

implementacion ta bezig ta prepara website, oficina, proceduranan, HR beleid, AO/IC, profielschetsen pa miembronan di e Raad van Bestuur, etc. Actualmente ta kedando cla cu e oficina di AFTA pa e trabounan di AFTA pa pueblo di Aruba por cuminsa.

“Mi ta contento cu e proceso transparente di nombracion di miembronan di Raad van Bestuur di AFTA a keda

conclui. Pueblo di Aruba por a sigui e desaroyo di implementacion di AFTA y asina haya mas y mas conocimiento di kiko AFTA lo significa y vooral cual ta e beneficianan di AFTA. AFTA lo mehora competencia entre companianan na Aruba, cu lo tin como consecuencia cu tin mihor prijs y mihor calidad di producto y servicio. AFTA ta birando un realidad!”, Minister Wever a comenta.

Prome Minister Evelyn Wever-Croes: 9 di October, Dia di Bombero

DANKI NA NOS CUERPO DI BOMBERO PA E TRABOU CU NAN TA EHERCIENDO PA E SIGURIDAD DI NOS TUR

“Un dia manera awe ta pa aumenta conscientisacion pa e comunidad yega mas cerca di nos cuerpo di bombero y gradici nan”

En conexion Dia di Bombero, Prome Minister Evelyn Wever-Croes, den nomber di Gobierno di Aruba, ta gradici tur ciudadano di nos pais cu ta bisti uniform di curashi y balentia, nos bomberonan. Riba dia di Bombero, 9 di October, como un pueblo uni, nos ta honra nos ciudadanonan aki y ta gradici nan profundamente pa e trabou cu nan ta eherce pa brinda e seguridad na momento cu ta necesario.

Dilanti vlamnan di candela y retonan den comunidad, nos bomberonan ta muestra e spirito berdadero di ta heroenan. Nan ta bay dilanti peliger na momento cu otronan lo mester huy poniendo nan bida na peliger pa asina proteha nos cas, nos comunidad. Nan compromiso cu nos pueblo ta bay mas leu cu paga candela. Nan ta esnan cu ta wordo yama den tur situacion insigur. Y pa e motibo aki, nan no solamente merece nos aprecio, sino tambe nos respet.

Prome Minister, den nomber di Gobierno di Aruba y pueblo di Aruba, ta gradici Cuerpo di Bombero di Aruba pa e trabou cu nan ta eherciendo pa e seguridad di nos tur.

“Ban laga e trabou di bombero, nan actonan den nos comunidad, inspira cada un di nos pa ta miho ciudadanonan, pa tin mas curashi y pa brinda yudansa na nos bisiñanan den momentonan di necesidad. Nos ta balora e trabou



cu bomberonan ta eherce. Nos ta aprecia e trabou cu nan ta haci pa nos. Un dia manera awe ta pa aumenta conscientisacion pa e comunidad yega mas cerca di nos Cuerpo di Bombero y gradici nan”, Prome Minister a expresa.

Un homber herida y un otro deteni despues di problema



Kamerlingh Onnesstraat - Diabierna anochi rond di 9:30 polis a bay altura di stadion RCA, unda cu 2 homber lo a bringa cu otro.

Señora di un di e hombernan lo a mira con e otro homber a dal su casa

despues di un argumento.

E agresor lo a sigui cana bay nort y na yegada di polis nan a bay mesora unda cu algun persona a muestra nan.

Pa nort di e muraya polis a bin topa cu e homber y mesora a wante ey nan.

Mientrastanto pazuid di RCA por a mira e homber herida sinta ariba un stoel y algun hende su rond. Ambulance a wordo pidi y tawata na caminda.

Paramediconan na yegada a bay atende cu e homber,

e la wordo herida na su pia cu un obheto. Posiblemente e herida lo no tawata mucho serio; debi

cu despues cu e Paramediconan a mira e herida nan a bandona e sitio.

Accidente frontal cu 3 hende herida na Tanki Leendert

Diadomingo madruga a drenta informe di un accidente cu hende herida pabao di rotonde Tanki Leendert, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente frontal.

Debi na e impacto 3 persona a resulta herida. Na



yegada di e ambulansnan nan a atende e victimanan

y a transporta nan pa hospital.



Dama a bay busca pertenencianan cerca su ex-pareha y cos a bay for di man



Diabierna anochi a drenta informe di un problema entre un ex-pareha na Ma-

diki, mesora a dirigi patruya na e sitio. Na yegada di e patruya a bin com-

pronde cu aki ta trata di un dama cu a bay busca algun pertenencia

na cas di su ex-pareha y a start un problema cu por poco a hera bay for di man.

Polis a papia cu ambos y a mustranan e camindanan pa nan cana.


Dama a yega botica sin paña di abao y sangrando



Diasabra atardi laat a drenta informe di cu tin un dama a yega na sanger cu unicamente un sweater bisti, mesora a dirigi un patruya na e sitio.

na yegada di e patruya a bin topa enberdad cu un dama sin paña di abao cu un sweater y e tabata sangrando. Mirando e caso aki a solicita un colega fe-

menino pa bini na e sitio y a pidi pa slachtofferhulp tambe bini. Eynan mesora polis a cuminsa cu e investigacion hpi delicado aki.



Chauffeur irresponsabel deteni, despues di na varios ocasion a trece trafico na peligro



Ser'i Teishi: Diasabra den oranan laat di anochi, chauffeur di un Chevrolet Spark shinishi a wordo deteni riba e caminda principal di San Nicolas pa Oranjestad, na altura di Camacuri.

E Chauffeur tabata biniendo for di pariba coriendo cu un velocidad hopi halto y tabata treciendo trafico den peligro, na varios ocasion e la casi a causa un accidente.

Probablemente chauffeurnan riba caminda a nota su actitud asina irresponsabel den trafico, cu nan a bati alarma prome cu e causa un daño grandi na otro of na su mes.

Mesora polis a bay direc-

cion di Green Corridor, na prome instante polis a dun'e ordo pa e para, pero no a respeta e ordo di autoridad y a sigui core. Riba e caminda di Camacuri cu un poco esfuerzo, e patruyanan di polis a logra blokea e Chevrolet Spark y asina logra cu e chauffeur mester a baha caminda y para su auto.

E agentenan policial a nota a cu e chauffeur ta mustra di ta bou influencia. E la wordo deteni y cu transportwagen e la wordo transporta pa warda di polis, pa asina haci test di alcohol cu ne. Su auto a keda confisca y cu take-lwagen hiba pa warda di polis.

Controlnan den trafico ta sigi polis a para y a controla un auto riba Sasakiweg



Diasabra atardi polis a nota un auto cometiendo infraccion den trafico riba Sasakiweg mesora a polis a para y a atende e chauffeur pa e infraccion cometi.

Polis ta tene control pa asina haci nos trafico mas sigur.!

Clasificados





SOLODIPUEBLO@GMAIL.COM
CEL. 585 9500



SOLO

SUDOKU
MANIA

5	3			7				
6			1	9	5			
	9	8					6	
8				6				3
4			8		3			1
7				2				6
	6					2	8	
			4	1	9			5
				8			7	9

MI IDENTIDAD, ARUBIANO MI TA



Mi ta grita ,yora mi identidad.....
 Mi no sa kiko mas pa mi grita mi libertad.....
 For di dia cu mi a nace,siiii.....na mi
 parto ya den lombrishi di mi mama,
 ya mi identidad ta conoci kaba.
 Mi a siña for di chikito canta na mi bandera.....
 balor ta di respeta mi gran-
 di nan ,nan grandesa.....
 Na mi pecho a resona nos dushi Himno.....
 y cu awa na wowo
 mi a mira mi escudo.....
 awe punto di libertad sea digno pa respeta.
 Historia a conta mi hopi cos.....
 den un solo voz.....
 cu mi identidad.....
 Arubiano mi ta di fe y firmesa.....
 rondona mi lama cristalino,esei ta mi libertad.

Orguyoso di mi talento.....
 cu ta haci mi asina fuerte y contento.....
 Nos rikesa na cultura,ta yena mi cu emocion.....
 ta Fuente di mi inspiracion.
 Solo cayente y ardiente ta briya cu su splendor,
 cu no tin lugar pa odio y rencor.
 Mi sanger indjan ta mi iden-
 tidad cu ta sobresali tur caminda,
 for di mi mucha mi a canta cu pasion y ilusion mi
 patria asina stima.
 Unda cu mi a bai ,Arubiano mi ta di curason,
 cu mi por haci mas pa mi pais cu hopi emocion.
 Di mi mayornan cu a edu-
 ca cu mi hopi responsabilidad,
 awe nan ta fuente di mi composicion.
 Tata Dios,cu a regala mi un don excepcional,
 pa recita mi poema na mi patria cu voz angelical.
 Leu ainda,mi desea cu mi pa-
 tria ta bunita y no sushi
 ban mantene nos pais den un lugar hopi dushi.
 No ignora bo patrimonio,
 lucha pe y duna testimonio
 cu Aruba ta un tesoro,
 di nos rikesa nos lenga materno Papiamento
 ta asina precioso y balioso.
MI IDENTIDAD,ARUBIANO MI TA
 Autor : Clarette Quandus
 7 Oktober 2023

Minister Dangui Oduber CARNIVAL CRUISE LINES LO AUMENTA CANTIDAD DI PASAHERO CU 30% NA AÑA 2024



FT. LAUDERDALE - E siman cu a pasa minister Oduber tawata di bishita na Carnival Cruise lines y tambe Florida Caribbean Cruise lines Association (FCCA) hunto cu CEO di APA sr. Figaroa, COO di APA sr. Arends y tambe sr. Melchiors cu a representa ATA pa discuti e cruise passenger fee (CPF) y tambe haci un presentacion di tur e proyectonan di upgrading di producto Aruba. E CPF ta e fee cu barconan crucero ta paga APA pa cada pasehero cu drenta Aruba. E entradanan aki ta wordo inverti pa APA pa mehora e experiencia di e turista crucero.

Den e cuadro aki a bishita Carnival Cruise lines y FCCA pa discuti e tema importante aki y pa comparti cu nan e direccion cu pais Aruba ta bai. Na mes momento a duna un presentacion hopi amplio di tur e proyectonan di mehoracion y upgrading di infraestructura cu ta den ehecucion y tambe den pipeline.

Carnival cruise lines tambe a duna e delegacion un update di aña 2023 y tambe nan proyeccionan pa aña 2024. Banda di esaki a comparti tambe nan guest satisfaction di nan pasaheronan ora nan bishita Aruba.

Pa loke ta aña 2023 esaki tawata uno hopi positivo pa Carnival Cruise. Aruba lo rici- bi mas di 210.000 pasahero e aña aki di Carnival y esaki ta un aumento drastico

compares cu aña 2022.

Pa aña 2024 nan a comparti cu e delegacion cu Aruba lo bai experiencia un aumento di 30% asina superando 250.000 turista crucero di Carnival Cruise lines so.

Nos tawata contento pa scucha cu Carnival cruise lines, mescos tawata e caso cu Royal Caribbean, Norwegian, Disney Cruise lines, Princess Cruise lines, Holland America y Ritz Carlton, nan tambe lo bai aumenta nan cantidad di calls y pasaheronan pa aña 2024. Aruba ta keda un destinacion hopi gusta pa turistanan crucero y nan ta menciona cu esaki ta danki na tur e inversionan cu ta wordo haci pa mehora y eleva product Aruba. Nan ta considera e hecho cu tin inversionan continuo como algo sumamente positivo pa nan bishitantenan.

Sra. Michele Paige cu ta CEO di FCCA a informa nos cu Aruba ta wordo considera un destinacion di calidad halto pa liñanan crucero y nan a bisa cu Aruba ta keda "high in demand". Nan a gradici nos pa e partnership, pa e estabilidad politico cu Aruba ta brinda y tambe pa tur e inversionan cu ta wordo haci pa ofece un miho experiencia pa e turista crucero. Sigur un siman hopi exitoso pa loke ta turismo crucero pa Aruba.

DEN E PRO-CATEDRAL SAN FRACISCO DI ASIS YEN A TUMA LUGAR E CELEBRACION DI LA BIRGEN DI SANTISIMO ROSARIO



Diasabra anochi despues di cu debi na e condicion di e tempo a move e sitio pa e celebracion di e Birgen di e Santo Rosario pa Pro-Catedral San Francisco di Asis na Oranjestad. Esaki a conta un multitud di feligresnan fiel cu a asisti na e ceremonia di Celebracion.

Polis a bay Caya Frere Henricus pa un caso di menasa



Diabierna anochi a drenta informe di un caso di menasa na Caya Frere Henricus, mesora a dirigi un patruya na e sitio. Na yegada di e patruya a bin encontra cu un banda di e partidonan mientras e otro partido a bay na warda di polis Oranjestad. Polis a papia cu ambos y a spli canan nan derecho y e caminda pa cana bay si nan ta desea di entrega keho na recherche.





PRONOSTICO DI TEMPO

VALIDO TE DIALUNA 09 DI OCTOBER 2023,
18:00 ORA

TEMPO:
AWE TARDI Y AWE NOCHI: LEVEMENTE TE
PARCIALMENTE NUBLA Y GENERALMENTE
SECO
DEN MARDUGA Y MAYAN: PARCIALMENTE
NUBLA CU UN AWACERO BREVE

TEMPERATURA MAXIMO 32 GRADO CELSIUS
TEMPERATURA MINIMO 27 GRADO CELSIUS
INDICE DI CALOR (HEAT INDEX) DEN Y ROND
DI ORANAN DI MERDIA: 33 PA 45 GRADO CELSIUS
UV INDEX: 12

TEMPO TROPICAL SIGNIFICANTE:
NINGUN

POTENCIAL DI AWACERO PA PROXIMO 24 ORA:
1 TE 3 MM; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y
AWACERO (MM) DEN ULTIMO 24 ORA (8'AM PA 8'AM):

AIRPORT : MAX 32 / MIN 26 / 6.7 MM
WESTPUNT: MAX 32 / MIN 26 / 8.2 MM
STA ROSA: MAX 32 / MIN 26 / 6.6 MM

PRONOSTICO DI TEMPO PA PROXIMO 3 DIANAN:
PARCIALMENTE NUBLA CU UN AWACERO BREVE.
BIENTO LO TA FOR DI DIRECCION OOST TE OOST- ZUIDOOST Y MODERA TE BASTA FUERTE;
POSIBLEMENTE FUERTE DEN RAFAGA.
TEMPERATURA (GRADO CELSIUS)
MAX / MIN LO TA: 32 / 27

Addonsito Croes y Tiziana La Torre: Dos MC exclusivo pa Giants Aquatics Aruba



Durante e prome TYR Giants Open exitoso e fin di siman tras di lomba, por a conta cu dos maestro di ceremonia (MC), cu a haci un trabou impresionante y diferente na loke e mundo di natacion sa custuma cu ne. Hopi tabata e comentari- onan positivo riba e mane- ra innovativo pa Aruba, con e dos MC-nan a dirigi e Campeonato y apoya e landadonan cu hopi ani- mo. Riba peticion di e miem-

bronan di Giants Aquatics Aruba, diahuebs anochi e famia di Giants Aquat- ics Aruba a bin hunto pa asina firma un MOU cu sr. Addonsito Croes y sra. Tiziana La Torre.

Ta trata di un MOU den cual tur dos persona a firma pa fungi como MC na tur evento di Giants Aquatics Aruba y sigur na e TYR Giants Open. Ambos lo fungi como MC exclusi- vamente pa Giants Aquat- ics Aruba den e mundo di

natacion. E miembronan presente a firma como testigo di e gran acontec- imiento aki. Cu e paso aki, Giants Aquatics Aruba ta sigui introduci cambionan na bienestar di mundo di natacion na Aruba, adema di sigura otro exitoso TYR Giants Open.


Giants Aquatics Aruba ta gradici y yama bon bini un biaha mas na tanto Tiz- iana La Torre como Ad- donsito Croes na e gran famia di Giants Aquatics Aruba.



Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 08 Oct 2023 Merdia		
 Sorteo # 4057 2074 0500 8003 MULTI-X X2 BIG 4 Sorteo # 4057 6962	 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 800.000,-
 Sorteo # 6263 0 x Jackpot 5 x Match 4 159 x Afl 8,00	09-14-18-22-24 Proximo Jackpot 107.000,-	
 Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00	Mega Ball Proximo Jackpot 330.000,-	
 Sorteo # 4057 8462 Leo	 Afl. 430.000,-	
 Sorteo # 931 621 MULTI-X X2	 Sorteo # 	

Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 07 Oct 2023 Merdia		
 Sorteo # 4056 5854 9946 6618 MULTI-X X2 BIG 4 Sorteo # 4056 4524	 Sorteo # 0 x Jackpot 0 x Match 4+ 0 x Match 4 0 x Afl. 12,00	Joker Letter Proximo Jackpot 750.000,-
 Sorteo # 0 x Jackpot 0 x Match 4 0 x Afl 8,00	Proximo Jackpot 94.000,-	
 Sorteo # 0 x Jackpot 0 x match 4 0 x Afl. 500,00 0 x Afl 50,00 0 x Afl.15,00	Mega Ball Proximo Jackpot 330.000,-	
 Sorteo # 4056 2889 Sagitario	 Afl. 430.000,-	
 Sorteo # 930 775 MULTI-X X2	 Sorteo # 	

Youth Challenge Talent Camp, 2023 Exitoso



Ta dushi pa mira hobenan felis y contento apesar di nan retonan cu nan tambe tin. Fundacion Centro Famia Piedra Plat ta contento di por a organisa e Youth Challenge & Talent Camp e aña aki pa hobenan.

Nan a enjoy Arte, Baile,

Musica, Workshop, Sport, Video Games, Hiking, Beach Tennis na BTA, y ultimo dia na Water Park na Hooiberg.

E workshopnan a wordo enfocando ariba tres area, con pa hoben activa nan mihor version, con pa hoben sea e diferencia posi-



tivo den comunidad y pa activa e interes pa hoben crea proyecto den comunidad.

Danki na e guest speak-

ers, Mr. Frits van Dijk, Sra. Franchesca Heinze y Miss Aruba, Karol Croes. Danki tambe na e mayor nan pa confia nos cu boso yiunan, danki na Ander-

son & Jenifer y nan ekipo di lidernan pa e tremendo trabou haci, danki na CEDE Aruba cu nos por a mantene e Campamento na un prijs social y danki na ATHA cu a yuda nos cubri e entrada di Aruba Waterpark y tur otro cu a aporta na e Camp aki.

Hobenan, see you all soon again den un otro actividad na FCFPP. God bless you all.

